



অবিলম্বে প্রকাশের জন্য: 12/24/2025

গভর্নর ক্যাথি হোকল

গভর্নর ক্যাথি হোকল, গভর্নর মাউরা হিলি, গভর্নর নেড ল্যামন্ট এবং গভর্নর ড্যান ম্যাককি পেন মার্কিন অভ্যন্তরীণ সচিব ডগ বার্গামের কার্যালয়ে যৌথ চিঠি লিখে অফশোর উইন্ড প্রকল্পের জন্য কাজ বন্ধ করার আদেশ অবিলম্বে তুলে নেওয়ার দাবি জানিয়েছেন

ট্রান্স্প্রেন্সি প্রশাসনের পক্ষ থেকে একটি ব্যাপক, লক্ষ্যবিহীন যোগাযোগ পাঠানোর পেছনের অন্তর্নিহিত যুক্তি (কারণ) এবং উল্লিখিত হুমকি পর্যালোচনা করার গোপন সংক্ষিপ্ত বিবৃতি দাবি করা হয়েছে

বছরের পর বছর ধরে পর্যালোচনার ভিত্তিতে অফশোর উইন্ড ফার্মগুলি রাডার সিস্টেমে হস্তক্ষেপ করছে বলে দাবি করে গভর্নররা উপহাস করেছেন

গভর্নররা সতর্ক করেছেন যে ফেডারেল পদক্ষেপ অর্থনীতি এবং মার্কিন জ্বালানি স্বাধীনতা প্রচেষ্টার ক্ষতি করবে

[চিঠির একটি কপি এখানে দেখুন](#)

গভর্নর Kathy Hochul (ক্যাথি হোকল), গভর্নর Maura Healey (মাউরা হিলি), গভর্নর Ned Lamont (নেড ল্যামন্ট) এবং গভর্নর Dan McKee (ড্যান ম্যাককি) আজ মার্কিন অভ্যন্তরীণ সচিব (Interior Secretary) Doug Burgum (ডগ বার্গাম) এর কাছে একটি [চিঠি](#) পাঠিয়েছেন, যাতে নিউ ইয়র্কের এম্পায়ার উইন্ড (Empire Wind) 1 এবং সানরাইজ উইন্ড (Sunrise Wind) সহ নির্মাণাধীন পাঁচটি অফশোর উইন্ড প্রকল্পের উপর সোমবার দেওয়া কাজ বন্ধ করার আদেশ অবিলম্বে প্রত্যাহারের দাবি জানানো হয়।

চিঠিতে গভর্নররা কাজ বন্ধ করার আদেশ দেওয়ার জন্য ব্যবহৃত অব্যক্ত জাতীয় নিরাপত্তা হুমকি পর্যালোচনা করার জন্য একটি গোপন সংক্ষিপ্ত বিবৃতি দাবি করেছেন।

চিঠিতে উল্লেখ করা হয়েছে যে লক্ষীভূত প্রকল্পগুলি মার্কিন প্রতিরক্ষা দপ্তর (Department of Defense, DoD) দ্বারা সহ উল্লেখযোগ্য ফেডারেল পর্যালোচনা এবং প্রক্রিয়াগুলির মধ্য দিয়ে অনুমোদিত হয়েছিল।

চিঠিতে গভর্নররা জাতীয় নিরাপত্তা দাবি এবং রাডারে অফশোর উইন্ড ফার্মের প্রভাব সম্পর্কে উল্লিখিত উদ্বেগের বিরোধিতা করেছেন, যা বছরের পর বছর ধরে পর্যালোচনা এবং প্রতিষ্ঠিত

অনুশীলনের বিরোধিতা করে। তারা আরও অভিযোগ করেন যে ট্রাম্প প্রশাসন কেবল "অফশোর উইন্ডের প্রতি প্রেসিডেন্টের ব্যক্তিগত বিরোধিতার সাথে সামঞ্জস্যপূর্ণ একটি পূর্বনির্ধারিত ফলাফলকে ন্যায্যতা দেওয়ার জন্য একটি অজুহাত" হিসাবে যুক্তি ব্যবহার করছে।

চিঠিতে বারগামকে সতর্ক করে দেওয়া হয়েছে যে, "গিগাওয়াট গার্হস্থ্য পরিচ্ছন্ন জ্বালানি বন্ধ করে, আপনি কার্যকরভাবে মার্কিন অর্থনীতিকে চাপে ফেলছেন এবং বিদেশী প্রতিদ্বন্দ্বীদের কাছে কৌশলগত সুবিধা তুলে দিচ্ছেন যারা যত দ্রুত সম্ভব বিদ্যুৎ উৎপাদন বৃদ্ধি করছে। মার্কিন-চীন অর্থনৈতিক ও নিরাপত্তা পর্যালোচনা কমিশন (Economic and Security Review Commission) 2025 সালের বার্ষিক প্রতিবেদন - যা অপ্রত্যাশিতভাবে, নভেম্বরেই প্রকাশিত হয়েছিল - তাতে দেখা গেছে যে শুধুমাত্র 2024 সালেই চীন সমগ্র মার্কিন যুক্তরাষ্ট্রের বিদ্যুৎ গ্রিডের এক-তৃতীয়াংশের সমতুল্য নতুন ক্ষমতা যুক্ত করেছে, যখন মার্কিন যুক্তরাষ্ট্র ক্রমবর্ধমান শক্তির চাহিদা মেটাতে লড়াই করছে।"

"এই অযৌক্তিক এবং নিয়মবহির্ভূত পদক্ষেপের মাধ্যমে, আপনি জাতীয় নিরাপত্তা সংকটের সমাধান করছেন না; আপনি জাতীয় নিরাপত্তা এবং অর্থনৈতিক বিপর্যয় উভয়ই তৈরি করছেন। অভ্যন্তরীণ বিদ্যুৎ উৎপাদনে বাধা দিয়ে, আপনি গ্রিডের ব্যর্থতাকে ডেকে আনছেন, ভবিষ্যতের শিল্পগুলিকে আত্মসমর্পণ করছেন এবং অর্থনীতি ও জাতীয় নিরাপত্তার জন্য হুমকির সম্মুখীন করছেন।"

নিউ ইয়র্কে স্থগিত থাকা এম্পায়ার উইন্ড 1 এবং সানরাইজ উইন্ড প্রকল্পগুলি সম্মিলিতভাবে 2,600টিরও বেশি ভালো বেতনের ইউনিয়ন চাকরিকে হুমকির সম্মুখীন করেছে। দুটি প্রকল্প সম্মিলিতভাবে প্রায় 1,700 মেগাওয়াটেরও বেশি বিদ্যুৎ উৎপাদন করবে, যা নিউ ইয়র্ক সিটির বিদ্যুৎ চাহিদার প্রায় 10 শতাংশ, যা ক্রমবর্ধমান জ্বালানির চাহিদা পূরণ করবে।

সম্পূর্ণ চিঠির বিষয়বস্তু এখানে পাওয়া যাবে:

ডিসেম্বর 24, 2025

মাননীয় ডগ বারগাম,
সচিব

U.S. Department of Interior
Washington, DC 20240

প্রিয় সচিব বারগাম:

স্বাক্ষরকারী স্টেটগুলি 2025 সালের ডিসেম্বরে ব্যুরো অফ ওশান এনার্জি ম্যানেজমেন্ট ("Bureau of Ocean Energy Management, BOEM") আদেশগুলি পেয়েছে, যা তথ্যউল্লিখিত "ডিপার্টমেন্ট অফ ওয়ার (Department of War)" মূল্যায়ন থেকে নতুনভাবে ঘোষিত "জাতীয় নিরাপত্তা উদ্বেগ" এর ভিত্তিতে আমাদের উপকূলরেখা বরাবর অফশোর বায়ু প্রকল্প উন্নয়ন সম্পর্কিত সমস্ত চলমান কার্যক্রম স্থগিত করার দাবি করে।

স্টেটগুলি জাতীয় নিরাপত্তাকে গুরুত্ব দেয়। এই প্রকল্পগুলি ইতিমধ্যেই ব্যাপক ফেডারেল পর্যালোচনার বিষয়বস্তুতে পরিণত হয়েছে, যার মধ্যে একটি মূল্যায়নও রয়েছে যা স্পষ্টভাবে জাতীয় নিরাপত্তা বিষয়গুলি সমাধান করে। এই স্বগিতাদেশের আগে স্বরাষ্ট্র বিভাগ, BOEM, অথবা প্রতিরক্ষা বিভাগ ("DoD") সহ অন্য কোনও ফেডারেল সংস্থা আমাদের নিজ নিজ স্টেটগুলিকে কোনও নতুন ঝুঁকি সম্পর্কে অবহিত করেনি, অথবা তারা আমাদের স্টেটগুলির বিনিয়োগের স্বার্থের কথাও বিবেচনা করেনি— এই গুরুত্বপূর্ণ প্রকল্পগুলিতে যা ইতিমধ্যেই DoD সহ অনেক ফেডারেল অনুমোদন পেয়েছে— আমাদের স্টেটগুলির অর্থনীতি এই প্রকল্পগুলি যে বিদ্যুৎ উৎপাদন করবে তার উপর নির্ভরশীল। এই ধরনের নোটিশের অনুপস্থিতি কার্যকরভাবে পরিকল্পনা করার আমাদের ক্ষমতাকে দুর্বল করে এবং সমবায় ফেডারেলিজমের মৌলিক নীতিগুলি লঙ্ঘন করে। হঠাৎ করেই একটি নতুন "জাতীয় নিরাপত্তা হুমকির" উত্থান, বাস্তবতার বৈধতা, যুক্তিসঙ্গত অনুসন্ধানের চেয়ে বরং প্রেসিডেন্টের অফিশোর উইন্ডের প্রতি ব্যক্তিগত বিরোধিতার সাথে সামঞ্জস্যপূর্ণ একটি পূর্বনির্ধারিত ফলাফলকে ন্যায্যতা দেওয়ার জন্য একটি অজুহাত বলে মনে হচ্ছে।

আমরা এই স্পষ্ট অজুহাত প্রত্যাখ্যান করছি এবং নিম্নলিখিত তিনটি কারণে এই স্বগিতাদেশগুলি অবিলম্বে বাতিল করার দাবি জানাচ্ছি:

1. প্রকৃত জাতীয় নিরাপত্তা হলো জ্বালানি নিরাপত্তা।

এই অযৌক্তিক এবং নিয়মবাহির্ভূত পদক্ষেপের মাধ্যমে, আপনি জাতীয় নিরাপত্তা সংকটের সমাধান করছেন না; আপনি জাতীয় নিরাপত্তা এবং অর্থনৈতিক বিপর্যয় উভয়ই তৈরি করছেন। অভ্যন্তরীণ বিদ্যুৎ উৎপাদনে বাধা দিয়ে, আপনি গ্রিডের ব্যর্থতাকে ডেকে আনছেন, ভবিষ্যতের শিল্পগুলিকে আত্মসমর্পণ করছেন এবং অর্থনীতি ও জাতীয় নিরাপত্তার জন্য হুমকির সম্মুখীন করছেন।

মার্কিন যুক্তরাষ্ট্র বর্তমানে ভবিষ্যতের শিল্পের জন্য একটি প্রতিযোগিতায় লিপ্ত, যার মধ্যে রয়েছে উন্নত উৎপাদনের জন্য অনশোরিং, প্রতিরক্ষা শিল্পের ভিত্তি উন্নত করা এবং মার্কিন প্রযুক্তি ও জ্বালানি আধিপত্য বজায় রাখা। সবগুলোই প্রচুর পরিমাণে বিদ্যুৎ খরচ করে। আপনি 20 শতাব্দীর গ্রিডে 21 শতাব্দীর অর্থনীতি চালাতে পারবেন না। গিগাওয়াট গার্হস্থ্য পরিচ্ছন্ন জ্বালানি বন্ধ করে, আপনি কার্যকরভাবে মার্কিন অর্থনীতিকে চাপে ফেলছেন এবং বিদেশী প্রতিদ্বন্দ্বীদের কাছে কৌশলগত সুবিধা তুলে দিচ্ছেন যারা যত দ্রুত সম্ভব বিদ্যুৎ উৎপাদন বৃদ্ধি করছে। মার্কিন-চীন অর্থনৈতিক ও নিরাপত্তা পর্যালোচনা কমিশন (Economic and Security Review Commission) 2025 সালের বার্ষিক প্রতিবেদন - যা অপ্রত্যাশিতভাবে, নভেম্বরেই প্রকাশিত হয়েছিল - তাতে দেখা গেছে যে শুধুমাত্র 2024 সালেই চীন সমগ্র মার্কিন যুক্তরাষ্ট্রের বিদ্যুৎ গ্রিডের এক-তৃতীয়াংশের সমতুল্য নতুন ক্ষমতা যুক্ত করেছে, যখন মার্কিন যুক্তরাষ্ট্র ক্রমবর্ধমান শক্তির চাহিদা মেটাতে লড়াই করছে।

এই আদেশগুলি প্রেসিডেন্টের উল্লিখিত "জ্বালানি স্বাধীনতা (Energy Independence)" লক্ষ্যের প্রত্যক্ষ বিরোধিতা করে। দেশীয় বিদ্যুৎ উৎপাদনের গিগাওয়াট বন্ধ করে এবং হাজার হাজার কর্মসংস্থান ধ্বংস করে, আপনি বিদেশী জ্বালানির বাজার এবং অস্থির সরবরাহ শৃঙ্খলের উপর নির্ভরতায় জোর করছেন। বিদ্যুৎ উৎপাদনের ক্ষমতা সক্রিয়ভাবে ধ্বংস করে আপনি একটি জ্বালানি-স্বাধীন জাতি গড়ে তোলার দাবি করতে পারেন না।

স্বাধীন বিশেষজ্ঞ এবং স্টেটের কর্মকর্তারা নথিভুক্ত করেছেন যে এই ক্ষমতা ছাড়া আমাদের অঞ্চল নির্ভরযোগ্যতার চ্যালেঞ্জ এবং ভবিষ্যতে সম্ভাব্য ব্ল্যাকআউটের সম্মুখীন হবে। জীবাশ্ম জ্বালানির উপর অত্যধিক নির্ভরশীল একটি গ্রিড একটি নিরাপত্তাহীন বা ঝুঁকিপূর্ণ এবং এর খরচ খুব বেশি যা আমাদের বাসিন্দাদের বহন করতে বাধ্য করা হবে। অফশোর এনার্জি ইতিমধ্যেই আমাদের গ্রিডে কম দামে প্রয়োজনীয় বিদ্যুৎ সরবরাহ করছে। জেনেশুনে আলো নিভিয়ে আমাদের জাতিকে রক্ষা করার দাবি করা যাবে না; বাস্তবে, এই আদেশগুলি পূর্ব উপকূল জুড়ে নির্ভরযোগ্যতার উদ্বেগকে বাড়িয়ে তোলে এবং ব্ল্যাকআউটের সম্ভাবনা বাড়ায় এবং করদাতাদের উপর অতিরিক্ত আর্থিক বোঝা চাপিয়ে দেয়।

2. "গোপন" অজুহাতগুলো বিজ্ঞান এবং পাবলিক ভেটিং এর বছরগুলির সাথে সাংঘর্ষিক।

আপনার নেওয়া প্রশাসনিক পদক্ষেপগুলি, যেমনটি এখানে নেওয়া হয়েছে, অপ্রকাশিত, গোপন যুক্তির উপর ভিত্তি করে হতে পারে না - বিশেষ করে যখন হাজার হাজার চাকরি এবং গুরুত্বপূর্ণ জ্বালানি প্রকল্প ঝুঁকির মধ্যে থাকে। তবুও আপনার চিঠিতে "ক্ষতিকর সত্তাগুলো দ্বারা সিস্টেম আক্রমণ, আপস বা ব্যাহত করার জন্য ব্যবহৃত পদ্ধতি, সরঞ্জাম এবং কৌশল" সম্পর্কিত অপ্রকাশিত "নতুন গোপন তথ্য" এই আকস্মিক পরিবর্তনের কারণ হিসেবে তির্যকভাবে ইঙ্গিত করা হয়েছে। আমরা আমাদের অনুমোদিত বিশ্বস্ত কর্মীদের জন্য অবিলম্বে একটি গোপন সংক্ষিপ্ত বিবৃতি দাবি করছি যাতে তারা এই উল্লিখিত প্রমাণ এবং এই উল্লিখিত যুক্তি সম্পর্কিত সমস্ত তথ্য পর্যালোচনা করতে পারেন।

এটা বিশ্বাস করা বিশ্বাসযোগ্যতার উপর চাপ সৃষ্টি করে যে গুরুত্বপূর্ণ, সারগর্ভ প্রকল্পগুলি, যা DoD সহ অনেক ফেডারেল পর্যালোচনা এবং প্রক্রিয়ার মধ্য দিয়ে গেছে, হঠাৎ করেই নতুন, অস্তিত্বগত, অপ্রত্যাশিত হুমকির সম্মুখীন হয়। এই ধরনের নিয়মবহির্ভূত, অপ্রত্যাশিত, অযৌক্তিক পদক্ষেপগুলি, ভবিষ্যতের কয়েক দশক ধরে বিদ্যুৎ উৎপাদন ক্ষমতার পরিকল্পনা করা তো দূরের কথা, শাসনের কোনও উপায় নয়।

তাই, এই সংক্ষিপ্ত বিবৃতিতে, আমরা আনুষ্ঠানিকভাবে নিম্নলিখিত নির্দিষ্ট বিষয়গুলি প্রকাশের অনুরোধ করছি:

- 2025 সালের নভেম্বরে উল্লিখিত "অতিরিক্ত মূল্যায়ন"-এ BOEM এবং DoD কর্তৃক নির্ধারিত নির্দিষ্ট জাতীয় নিরাপত্তা ঝুঁকির একটি সুস্পষ্ট বর্ণনা;
- সেই সমস্ত ঝুঁকি সম্পর্কিত সমস্ত তথ্য, অথবা তার সারাংশ;
- প্রকল্পের নির্দিষ্ট উপাদানগুলির সনাক্তকরণ, যদি থাকে, যা এই ঝুঁকিগুলির কারণ হতে পারে বলে অভিযোগ করা হয়;
- পূর্ববর্তী বিস্তৃত পর্যালোচনার আলোকে এই প্রকল্পগুলিতে "মূল্যায়ন" কীভাবে প্রযোজ্য তার একটি ব্যাখ্যা;
- নভেম্বর মাসে "খুঁজে বের করার" পরপরই কেন এই ঝুঁকিগুলি নিউ ইয়র্ককে জানানো হয়নি তার একটি ব্যাখ্যা।

আপনি 2024 সালের জ্বালানি দপ্তরের একটি প্রতিবেদন উদ্ধৃত করে দাবি করেছেন যে রাডার প্রশমন "লক্ষ্যমাত্রা পূরণ করেনি।" একই প্রতিবেদন, "মিটিগেটিং উইন্ড টারবাইন রাডার ইন্টারফেরেন্স (Mitigating Wind Turbine Radar Interference)", শেষ পর্যন্ত এই সিদ্ধান্তে

পৌঁছেছে যে "প্রতিস্থাপন রাডার এবং ইনফিল রাডার সমাধানগুলি অবনমিত রাডার কর্মক্ষমতা বৃদ্ধি করে ... ইনফিলগুলি কম বিশৃঙ্খলা দেখায় এবং এর ফলে আরও ভাল কর্মক্ষমতা পাওয়া যায় ... [এবং] একটি কার্যকর প্রশমন সমাধান হিসাবে কাজ করতে পারে।" যদি "বিশৃঙ্খলা" সত্যিকার অর্থেই হুমকি হয়ে থাকে, তাহলে এটি আমাদের উপকূলীয় জলসীমায় অবস্থিত হাজার হাজার তৈলকূপ খননের জন্য সরঞ্জামসহ একটি কাঠামো এবং অন্যান্য সমুদ্রবাহিত অবকাঠামোর ক্ষেত্রেও প্রযোজ্য হতে পারে।

প্রতিবেদনটিতেই যেমন উল্লেখ করা হয়েছে, প্রচলিত রাডারের জন্য, পৃথিবীর গোলকের মতো আকার একটি রাডার যে সর্বাধিক দূরত্ব থেকে একটি লক্ষ্যবস্তু শনাক্ত করতে পারে তা তৈরি করে। আপনি এমন বস্তু থেকে "বিশৃঙ্খলা" উদ্ভূত করছেন যা পৃথিবী গোলাকার আকৃতির জন্য বেশিরভাগ স্থল-ভিত্তিক রাডার দেখতে পর্যন্ত পায় না। দূরপাল্লার দিগন্ত-ওভার-দ্য-দি-হরাইজন রাডার সিস্টেমের ক্ষেত্রে, যুক্তিটিও সমানভাবে ত্রুটিপূর্ণ, যেমনটি প্রতিবেদনে উল্লেখ করা হয়েছে। এই সিস্টেমগুলি রাডার হস্তক্ষেপ কমাতে সিগন্যাল প্রক্রিয়াকরণ অ্যালগরিদম এবং অন্যান্য কৌশল ব্যবহার করে। প্রকৃতপক্ষে, বর্তমান ফেডারেল ইন্টারএজেন্সি উইন্ড টারবাইন রাডার হস্তক্ষেপ প্রশমন কৌশল (Federal Interagency Wind Turbine Radar Interference Mitigation Strategy) স্পষ্টভাবে "ভবিষ্যতের বায়ু শক্তি উন্নয়নের পথে বাধা হিসেবে রাডার হস্তক্ষেপ অপসারণের আহ্বান জানিয়েছে ... একই সাথে মার্কিন বিমানপথ, জাতীয় নিরাপত্তা, নাগরিকদের জীবন ও সম্পত্তি এবং সংবেদনশীল রাডার সিস্টেম সংরক্ষণের" আহ্বান জানিয়েছে।

DoD সহ ফেডারেল সরকার বহু বছর আগে অফশোর বায়ু প্রকল্পের সমস্ত তথ্য পর্যালোচনা করেছিল। সেনাবাহিনীর উদ্বেগ ও আপত্তি উত্থাপনের সুযোগ ছিল। তারা তা করেনি, বরঞ্চ সার্টিফাই করেছে যে জাতীয় নিরাপত্তার জন্য কোনও হুমকি ছিল না। এই প্রকল্পগুলিতে কয়েক বিলিয়ন ডলার বিনিয়োগ এবং পর্যালোচনা সম্পূর্ণরূপে সম্পন্ন হওয়ার পরেও, এখন হুমকি বিদ্যমান বলে দাবি করা চরম পর্যায়ের অযৌক্তিকতা।

3. আপনি আপনার বিলম্ব ধামা চাপা দিচ্ছেন

8 ডিসেম্বর, 2025 তারিখে, ম্যাসাচুসেটস ডিস্ট্রিক্টের জন্য মার্কিন জেলা আদালত ফেডারেল সরকারের নতুন অফশোর বায়ু উন্নয়নকে যথেষ্টভাবে বন্ধ করার প্রচেষ্টা বাতিল করে দেয়। আদালত স্পষ্টভাবে রায় দিয়েছে যে ফেডারেল সংস্থাগুলি "একটি বিস্তৃত মূল্যায়ন সম্পন্ন না হওয়া পর্যন্ত আবেদনগুলি সম্পূর্ণরূপে বিচার করতে অস্বীকার করতে পারে না"।

আপনার সাম্প্রতিক আদেশগুলি "জাতীয় নিরাপত্তা পর্যালোচনা" এর ছদ্মবেশে একটি অনির্দিষ্টকালের বিলম্বের সূচনা করেছে। "যুদ্ধ দপ্তর" এর অধীনে কাগজপত্র পুনরায় ব্র্যান্ডিং করলে এই ত্রুটি দূর হয় না; এটি কেবল অজুহাতমূলক প্রতারণার উদ্দেশ্যের প্রমাণ হিসেবে কাজ করে।

এটি নেতৃত্বের সময়, বাধা দেওয়ার নয়। আমাদের শিল্পের ভিতকে ফাঁপা করে অথবা আমাদের বিদ্যুৎ গ্রিডকে ভেঙে পড়ার ঝুঁকিতে রেখে প্রকৃত জাতীয় ও অর্থনৈতিক নিরাপত্তা অর্জন করা যাবে না। এর জন্য আবশ্যিক নির্মাণ করার সাহস।

আমরা আপনাকে আমলাতান্ত্রিক খেলার বাইরে তাকানোর এবং প্রকৃত লড়াইটিকে স্বীকৃতি দেওয়ার জন্য অনুরোধ করছি: জ্বালানি স্বাধীনতা, অর্থনৈতিক আধিপত্য এবং জাতীয় নিরাপত্তার শ্রেষ্ঠত্বের জন্য বিশ্বব্যাপী প্রতিযোগিতা। ঘরে বিদ্যুৎ বন্ধ করে আমাদের প্রতিপক্ষের হাতে ভবিষ্যৎ তুলে দেওয়া প্রশাসনের মতো আচরণ করবেন না।

অবিলম্বে এই স্বগিতাদেশগুলি বাতিল করুন। আসুন আমরা এই মহান জাতিকে শক্তিশালী করার কাজে ফিরে যাই।

বিনীত,

Kathy Hochul (ক্যাথি হোকল)
গভর্নর অফ নিউ ইয়র্ক

Maura Healey (মাউরা হিলি)
গভর্নর অফ ম্যাসাচুসেটস

Ned Lamont (নেড ল্যামন্ট)
গভর্নর অফ কানেকটিকাট

Dan McKee (ড্যান ম্যাকি)
গভর্নর অফ রোড আইল্যান্ড

প্রতিলিপি:

মাননীয় Pete Hegseth (পিট হেগসেথ), সচিব, মার্কিন প্রতিরক্ষা বিভাগ

মাননীয় Marco Rubio (মার্কো রুবিও), সচিব, মার্কিন পররাষ্ট্র দপ্তর, ভারপ্রাপ্ত জাতীয় নিরাপত্তা উপদেষ্টা

Mr. Alex Meyer (মিঃ অ্যালেক্স মেয়ার), প্রেসিডেন্টের উপ-সহকারী এবং হোয়াইট হাউস অফিস অফ ইন্টারগভর্নমেন্টাল অ্যাফেয়ার্সের (White House Office of Intergovernmental Affairs) পরিচালক

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)